



«Izden Maqala» ЖУРНАЛИСТИК КОНКУРСЫНЫҢ ЕРЕЖЕСІ МЕН ТАЛАПТАРЫ

Сәлем, құрметті жазушылар!

Izden бұл қазақ тіліндегі сапалы контентті, сараптамалық журналистиканы және жаңа көзқарастарды қолдайтын тәуелсіз медиа-платформа. Осы конкурс арқылы біз жаңадан бастап жүрген қаламгерлер мен авторларға жол ашып, қоғамға пайдалы ой-пікірлерді жарыққа шығарғымыз келеді.

Конкурсқа қатысу үшін төмендегі шарттар мен талаптарды мұқият оқып шығуыңызды сұраймыз.

1. Жалпы ережелер мен мерзімдер

- Тілі: Конкурсқа ұсынылатын барлық мақалалар тек **қазақ** тілінде жазылуы тиіс.
- Дедлайн (қабылдау мерзімі): 1 тамыз бен 15 тамыз аралығы
(15 тамыз сағат 23:59-да (Астана уақыты) материалдарды қабылдау тоқтатылады).
- Нәтижелерді жариялау: **Конкурс нәтижелері 20 тамыз жарияланады.**

Жеңімпаздарға қуанышты хабарлама олардың тіркелген электронды пошталарына (Email) жеке жіберіледі.

Басты жүлде:

Жеңімпаздарға таңдауы бойынша 4 түрлі бағыттың бірінен «Izden» командасында жұмыс тәжірибесін (стажировка) өту мүмкіндігі және марапаттама қағаздары беріледі .

2. Конкурс тақырыптары

Мақалаңызды төмендегі 3 тақырыптың біріне арнап жазуларыңыз керек:

- 1) «Қазақстан қоғамында өзгерісті қажет ететін мәселенің талдамасы»

Мақсаты: әлеуметтік, мәдени немесе тұрмыстық өзекті мәселелерге терең сараптама.

2) «Қазақстанның ұмытылып бара жатқан мәдени мұрасы»

Мақсаты: тарихи, мәдени, этнографиялық немесе рухани құндылықтарды қайта жаңғырту.

3) «Қазақстандағы экологиялық мәселелер: себептері мен шешімдері»

Мақсаты: қоршаған орта, табиғатты қорғау және экологиялық сауаттылық мәселелері.

3. Мақалаға қойылатын талаптар

Платформаға қабылданатын әрбір мақаланың мазмұны мен деңгейі жоғары талаптарға жауап беруі тиіс :

- Шыншылдық пен дәйектілік:

Мақала мазмұны шынайы, нақты және тексерілген ақпаратқа негізделуі тиіс.

Жалған, дәлелденбеген немесе оқырманды жаңылыстыратын ақпаратқа жол берілмейді.

- Құрылым мен логика:

Тақырып анық ашылып, материал мазмұны жүйелі әрі логикалық түрде құрылуы керек.

Тақырыпқа қатысы жоқ артық ақпарат мақала мазмұнынан алынып тасталануы қажет.

- Категорияға сәйкестік:

Мақаланың тақырыбы, мазмұны және негізгі идеясы өзіңіз таңдаған үш тақырыптың біреуіне толық сәйкес келуі керек.

- Дереккөздер:

Автор пайдаланған ақпарат көздері сенімді болуы және қажет болған жағдайда көрсетілуі тиіс.

- Тілдік қолданыс мен сауаттылық:

Мақала тілі оқырманға түсінікті, сауатты, мәтіннің баяндалу стилі жеңіл әрі тартымды болуы керек.

Мақалада орфографиялық, грамматикалық және пунктуациялық қателер болмауы тиіс.

- Әдеп нормалары:

Әдепсіз, кемсітуші сөздер немесе заңға қайшы мазмұндағы материалдар жарияланбайды.

4. Авторлық құқық және шектеулер

- Плагиатқа тыйым: Браузерлерден, әлеуметтік желілерден, сайттардан немесе ескі газет-журналдардан дайын материалдарды көшіріп жіберуге қатаң тыйым салынады.

Барлық мақалаларды қатысушы толықтай өзі жазуы міндетті!

- Жасанды интеллект (AI): Мақала автордың төл туындысы болуы тиіс.

Жасанды Интеллектті материал жазуда тек көмекші құрал ретінде қолдануға рұқсат етіледі, бірақ мәтінді толығымен ЖИ арқылы дайындауға болмайды.

- Лимит: Әр қатысушы конкурсқа тек 1 (бір) мақала жібере алады.

Сөз саны **600-сөзден** аспауы тиіс

Қалған мақалаларыңызды конкурстан тыс, Izden платформасына жалпы жариялауға болады.

5. Материал тапсыру және модерация тәртібі

5.1. Жіберу процесі:

- 1) Сайттағы «Материал қосу» бөліміне өтесіздер.
- 2) Формадағы «Izden Maqala Журналистік Конкурсіне қатысамын» деген бағанның жанындағы тиісті ұяшықтағы белгішені (галочка) және «Әлеумет» санатын белгілейсіздер.
- 3) Белгілеген соң осы Конкурс ережесі автоматты түрде ашылады.

5.2. Әкімшілердің тексерісі:

- 1) Жіберілген әрбір мақала платформаның 3 әкімшінің (редактор) бақылауынан және тексерісінен өтеді.
- 2) Мақала 3 әкімшінің де толық мақұлдауын алғаннан кейін ғана сайтта жарияланып, конкурсқа ресми түрде қатыса алады.

5.3. Қайта өңдеу және қайта жіберу

(Редактор тарапынан ескертпе, мақала бойынша қысқаша түйіндеме):

- Егер мақала талаптарға сай келмей, 3 әкімшінің кем дегенде біреуі қарсы болса, ол мақала жарияланбайды.
- Мақаланы жариялауға келісімін бермеген әкімші мақаладағы қателер мен түзетуді қажет ететін тұстар туралы қысқаша сараптаманы жазады. Осы сараптама автоматты түрде автордың электронды поштасына жіберіледі
- Қайта жіберу құқығы: Автор барлық ескертулерді ескеріп, қателерді түзеткеннен кейін мақаласын қайтадан жіберуге құқылы. Қайта ұсынылған мақала 3 әкімшінің тексерісінен қайта өтеді және талаптарға толық сай келген жағдайда ғана жарияланып, конкурсқа қабылданады.

Сұрақтар туындаған жағдайда кез-келген уақытта бізбен хабарласа аласыз:

izdenkz@gmail.com

Барлық қатысушыларға сәттілік тілейміз! Шабытыңыз шарықтап, ойыңыз оңай өрілсін!